



Peter Olsen  
Inatsisartunut ilaasortaq, Inuit Ataqtigiit

**§ 37 naapertorlugu apeqqutitut akissutit - 074/2019 ilinniartut akiliutsillutik feeriansinnaanerannut tungasoq**

11-02-2019  
Suliap normua 2019 - 2858  
Allakkat nr. 9943605

Asasara Peter Olsen

Postboks 1029  
3900 Nuuk  
Oqarsasuaat : +299 34 50  
00  
Email: [ikin@nanoq.gl](mailto:ikin@nanoq.gl)  
[www nanoq gl](http://www.nanoq.gl)

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

**Apeqqut 1: Ilinniagaqarnersiuteqartitsinermut inatsit naapertorlugu qaqugukkut juullip nalaani aammalu aasaanerani atuanngiffeqaqqaarnermi angalasinnaatitanerit qanga periarfissaanikuusimanersut pillugu Naalakkersuisut nassuiaaqquneqarput.**

**Akissut:** Ilinniartut meerartallit juullimi feeriarnissaannut atatillugu akiliutsilluni feeriarneq matumani pineqarsimappat, matumani Ilinniagaqarnersiutit pillugit Namminersorlutik nalunaarutaanni nr. 9, 19. juli 2017-imeersumi § 41 malillugu, Ilinniagaqarnersiutit pillugit Namminersornerullutik Oqartussat nalunaarutaat nr. 17, 20. juli 1992-imeersoq atuutilerneraniilli periarfissaasimavoq. Taamatut akiliutsilluni angalanissamut periarfissaqarneq ullumikkut ilinniarnerep ukiuisa siullianni juullimi feeriarnissamut atatillugu aamma atorneqarsinnaavoq.

Juullimi feeriarnermut atatillugu akiliutsilluni taamatut angalasinnaanerup saniatigut ukiumoortumik akiliutsilluni feeriarnissamut aningaasaliisoqarnissaa suli periarfissaavoq. Piffissami 1. august 1992-imiit 31. december 2012-ip tungaanut aasami feeriaqarnissamut atatillugu taamatut akiliutsilluni feeriansinnaaneq taamaallaat periarfissaasimavoq.

Ilinniagaqarnersiutit pillugit Namminersorlutik Oqartussat nalunaarutaata nr. 21, 13. december 2012-imeersup 1. januar 2013-imiit 31. juli 2017-ip tungaanut atuuttup atuutilerneranut atatillugu ukiumoortumik akiliutsilluni feeriartarnerup atorneqarsinnaanerata piffissalernerqarnera atorunnaarpoq. Taamaallillunilu ukiumoortumik akiliutsilluni feeriansinnaaneq ilinniarnerep nalaani sukkulluunniit atorneqarsinnaalerpoq, soorlu aamma ilinniarnerep aallartinnerata kinguninnguutigut. Allatut oqaatigalugu ilinniartup ullup atualerfiup kingorna ulloq siulleq feeriarfissatut atorsinnaalereepaa.

Tamanna 1. august 2017-imi Ilinniagaqarnersiutit pillugit Namminersorlutik Oqartussat nalunaarutaata nr. 9, 19. juli 2017-imeersoq aqputigalugu ilinniagaqarnersiutinut nalunaarutip atuutilerneratigut. Akiliutsilluni feeriarluni angalasinnaanerup atorneqarsinnaaneranut piffissaliussa qamaallaat ilinniarnermi ukiup siullianuinnaq allangortinneqarpoq, tassami ilinniartoq ukiup ilinniarfiusup aappaa aallarnerfigalugu nammineerluni aalajangersinnaalermagu qanoq ilineratigut akiliutsilluni feeriarneq ingerlanneqassanersoq, soorlu akilutsilluni feeriarneq ilinniarnerp aallartinnerata kinguninngua atorneqassanersoq.

Allanguineq isumaqarpoq ukiumi atuarnerp aallartiffiani ukiumoortumik akiliutsilluni feeriarneq tunniunneqarsinnaassasoq, kisiannili atuarnerp aallartinneraniit qaammatit qulingiluat aatsaat qaangiutereernerisigut atorneqarsinnaassalluni, taamaattoq qaammatit tallimat qaangiutereernerisigut atorneqarsinnaassalluni atuarnep 1. novemberip aamma 31. januarip akornanni aallartissimappat. Malittarisassat imatut paasisariaqarput ilinniarnermi aasaanerani feeriarneq siulleq aqputigalugu akiliutsilluni feeriarneq aningaasaliiffineqarsinnaassasoq.

### **Apeqput 2: Ullumikkut ilinniartut taamaalorsinnaannginnerannut suna pequtaava?**

**Akissut:** Allanguineq ilinniartunut siunnersortinik ataatsimeeqateqarnernik tunngaveqarpoq, tassaniami uparuarneparpoq akiliutsilluni feeriarnerit ilinniarnerp aallartilaarnerani atorneqartartut ilinniarnerp nalaani atuanngitsoornissanut siuarsaataasinnaammata, allatullu oqaatigalugu ilinniagaqarnersiuteqartitsinerup siunertaanut akerliulluni. Tassunga atatillugu Inatsisartut inatsisaanni nr. 12, 22. november 2011-meersumi §1 atuarneparsinnaavoq ilinniagaqarnersiuteqarneq pillugu inatsiseqartitsinermi ilinniarnepit naammassiniarnissaannut ikiuutitut ilinniagaqarnersiutit tunniunneqartarmata. Ilanngullugu erseqqissarneqarpoq ilinniarnerp naammassiniarnissaanut ilinniartut ilinniarnepit ilinniarfimmilu sulianut ilaasunut iserterluarnissaat kiisalu attaveqaatinik angerlamut aallartinnani pilersitsinissaq pingaaruteqartorujussuusut.

### **Apeqput 3: Atuanngiffeqaqqaarnermi siullermi juullimi imaluunniit aasaanerani ilinniartut akiliunneqarlutik angalasinnaanngortinneqassagaluarpata ilinniartumut aamma Namminersorlutik Oqartussanut aningaasatigut qanoq kinguneqassava?**


**Akissut:** Ilinniarnerp aallartinnerani ulloq siulleq aallartiffigalugu ukiumoortumik akiliutsilluni feeriarinnaanerupit tunngatillugu, soorlu siullermik juullisiornissamut atatillugu, erseqqissarneqassaaq tamanna, soorlu apeqput 1-imut akissuteqarnermi taaneqartoq, tamanna kisimi 1. januar 2013-imit 31. juli 2017-imut periarfissaasimavoq.

Tamanna tunngavigalugu isumaqartoqartariaqanngilaq ilinniarnerp nalaani qanoq ilineratigulluunniit ukiumoortumik akiliutsilluni feeriarinnaanerup atorneqarsinnaanera Namminersorlutik Oqartussanut imaluunniit ilinniartunut aningaasatigut sunniuteqassasoq. Tamatumunnga ilinniartut piffissami taaneqartumi ulluni taamatut amerlatigisuni akiliutsilluni feeriarinnaatitaanerit pissutaapput, kisiannili 1. januar 2013-imiit 31. juli 2017-ip tungaanut piumasarineqarsimannngimmat ukiumi ilinniarfiusumi

siullermi akiliutsilluni feeriarsinnaaneq atorniarlugu qaammatit arlallit  
utaqqisariaqarnissaq. Assinganillu malittarisassat kingunerisimangilaat  
Namminersorlutik Oqartussat piffissami tassani akiliutsilluni feeriarnissanut  
aningaasaliinissaat.

---

Inussiarnersumik inuulluaqqusilluta



Ane Lone Bagger